



13964

bat.komp.

II

Mag. St. Dr.

P

us
in Principis.

Starovoltsii Simonis: Lachrymae in obitu Sereniss.
Alexandri Casimiri etc.

FANEG. & VITAE

Polono. Pol.

A. 4.

SIMONIS STAROVOLSCI
LACHRYMÆ
In obitum
SERENISSIMI
ALEXANDRI
CAZIMIRI,
Poloniæ, & Sueciæ
PRINCIPIS.



CRACOVIAE,
In Officina Matthiæ Andreouiensis, Anno
Domini, 1634.

M. Tullius lib: 1. Tuscu-
lanarum quæst.

Profecto mors tum æquissimo animo
oppetitur, cum suis se laudibus vita
occidens consolari potest. Nemo
parum diu vixit, qui virtutis perfe-
ctæ, perfecto functus est munere.
Quare si ipsa ratio minus perficiet,
vt mortem negligere possimus; at vi-
ta acta perficiat, vt satis, superq; vi-
xisse videamur. Quanquàm enim
sensus abierit, tamen summis & pro-
prijs bonis, & laudis & gloriæ, quã-
vis non sentiant, mortui non carent.

13964. III.

ABDLOTH-MUSE



ABDLOTH-MUSE

Illustrissimo Domino,
D. C A S P A R I
D O N H O F F I O,
PALATINO SIRADIENSI,
Laisceñ: Boleſlauieñ: Radom-
ſcenſiq; Præfecto.

SIMON STAROVOLSCIVS
Dedico Conſecroque.

REVEM vitæ curſum Principis nu-
per defuncti, breui placuit elegio decorare,
meſq; ac totius Sarmatiæ lachrymas, in tuū
Illuſtr: D. amantiſ ac lugentiſ ſinum effu-
dere; qui vetuſ Regiæ domus cultor, Regiū in-
ueniſ inopinatum occaſum, ut abſq; lachrymiſ audire non potuiſti, cū
hæc infelicia noua tibi fuiſſent allata: ita æternam eiſ indolem
haud ſine ſingultib; & ſuſpiriis commemorare vales: & vix ſine
lachrymiſ quiſquam in tota Poſonia eam recensere, aut poterit ador-
nare. O ſpes noſtras fallaces! O deſideria vaniſſima! ille qui
Aſiam debellaturus ex ſe videbatur, in ipſo adoleſcentiæ flore oc-
cubuit: quem ad æternitatem omnib; votis promouebamus, leuiſcu-
lo morbo correptuſ ex oculiſ noſtriſ euaniuit; & conceptæ de ſe in-
ementib; hominum Magnitudiniſ, umbram tantum, ac veluti ſomniū
reli-

reliquit. Sed ut Callimachus ille, apud Pausaniam, non reprehenditur, quod Minervæ lucernam anno integro ardentem obtulerit: sic me ego apud te Illustrissime D. omni reprehensione carere spero, quod extinc^t tui Principis famam, velut Phæarum lucentem in omnes perpetuitates, tibi hac scriptione offeram; Tuâq; maxime lugentis voce motus, Regias illius dotes, quibus admirationi fuit toti Sarmatico Orbi, imò toti Europæ, in solatium afflicte patriæ, laudare contendam: idq; paucis verbis et incomp^opositis, ut meum quoq; dolorem probem. Nam ut quidam dixit, Dolor est fucatus, si disertus: fictus, si ex arte compositus. Hac verò Principis sine laus, sine aternitas, etiam Tua Illustris: D. erit, qui Divi Parentis illius beneficio ac munificentia, per annos triginta fatus, adq; tantas in Re publ. dignitates promotus, omnem Regiam eius sobolem cultu quo par es et veneraris: ac præcipue vivis exempti virtutes honoribus æstimas, et omnem optimi principis memoriam colis. Quapropter et hunc debilem ingenij mei foetum, in honorem eius fac tum, tuæ auct^oritatis præsidio tuere et fove, quem ego tuæ voluntatis fiduciâ audeo facere publicæ lucis. Vine et Vale Illustr: D. et dignitate tuâ, qua ab Augustis^{si}mo Rege VLADISLAVO IV. auct^o tus es, feliciter frui.



LACHRYMÆ

In obitum

SERENISSIMI

ALEXANDRI

CAZIMIRI,

Poloniæ, & Sueciæ

PRINCIPIS.

REDIMVS iterum adlu-
ctum, Equites Nobilissimi, quē
vix ab obitu Magni Regis nostri,
SIGISMUNDI III. posuimus:
ad lachrymas reuertimur, quas
vix inauguratione primogeniti
illius VLADISLAI IV. absterfimus: squallo-
rem illum resumimus, in quo ante debellatos Mo-
schos, & pacem cum Turcis factam, vniuersi fui-
mus: quamq; interregni tempore mœstitiam ex
morte Principum nostrorum habuimus, eam de-
nuò pati, infelicitate nostra considerata, cogimur.

B

Inopi-

Inopinatus etenim Principis ALEXANDRI, quem
aut nunquam nasci, aut nunquam mori oportuit, ac
præmaturus obitus, interturbauit prosperitatis no-
stræ cursum, interrupit gaudia, & lætitiā publi-
cam, luctu felicitatem foedauit: iterumque nobis
Sigismundum, cuius encomium mortales nullâ in-
genij fælicitate queunt implere, in illo vis Fati a-
cerbi extinxit, quem ad decus sæculi, & solatium
nostrum, in quinque filijs viuentem reliquerat.
Quamquam autem nihil hic orbis, quod perennet,
possideat, & Principes qui ei præsunt, æqualiter
nobiscum mortalitatis iurè teneantur, quo attra-
men cæteris vel assuetudine ipsâ, vel superum do-
no fiunt meliores, & commodiores Reipub. eo
magis afficimur occasu ipsorum, magis perturba-
mur insperato illorū obitu: Regijs enim eorum vir-
tutibus, quibus Patriam & Familiam suam exorna-
runt, vt famæ, sic luctus æternitas à nobis debe-
tur. Hinc moribus antiquis, optimoque vete-
rum instituto obtinet, vt omnium illustrium viro-
rum funera laudatione solenni cohonestentur: vt
maximorum Regum fortia facta, resque præclare
gestæ, encomijs perpetuis celebrentur, vt filij e-
orum, agere memoratu digna volentes, etiam post
funera, in pretio & memoria habeantur. Ipsa equi-
dem naturali ratione suadente, eiusmodi Heroas,
ex oculis nostris sublato, non laudare, inhuma-
num: non deplorare cum præmaturè abeunt, in-
ciuite: non dolere cum à nobis auelluntur, pænè
nefas arbitramur. Ergo siue honori defunctorum
cuiusmo-

eiusmodi laudationes & lamentationes datæ sunt; quis esse potest Principe nostro dignior honore, quàm à stirpe regia, dignior nœnijs, quàm à Regijs virtutibus? siue superstitem solatio sunt deputatæ; cuius mors tanto, non Regni Poloniæ tantum, sed Europæ propè vniuersæ, luctu & dolore excepta, vnquàm est? siue ad exemplum sunt institutæ: quod potest maius, aut illustrius exemplum, non iuuentuti modò Sarmaticæ, sed omnium Principum filijs, Principe ALEXANDRO proponi? Cuius ego Regiam indolem, ô Poloni mei, admiratus, præficâ pennâ producam in theatrum Orbis, vt omnino superesse videatur, qui extinctus est: Regiumque illius Genium veneratus, vt pietatem meam, probem, infelici eloquio, quale obsitum singultibus pectus cliquare solet, vocabo ad lachrymas vniuersos, quoscunq; augustis æternisque Sceptris Reges Poloniæ regunt. Vos modò audite me.

Qui extinctum aliquem morte, lachrymis terrerrimis prosequuntur, Equites Nobilissimi, illi faciunt hoc, præcipuè hæc ob causas, vel quod ille nimium virtutibus conspicuus esset, cæterisque exemplo præluceret: vel quod Reipub. valdè commodaret: vel quod claris maioribus ortus, solus familiæ decus conseruare, aut ornare debuerit; vel quod demum his omnibus abundans, præmaturè raptus, ex oculis hominum euanuerit. Quæ enim plus bonitatis, pulchritudinis, ac perfectionis in se habent, illa magis desiderantur à nobis, plurisque amissa æstimantur, quàm fuerint, & grauius do-

lentur quàm quę communia sunt. Sed ô vanas
cogitationes nostras, vana iudicia: & ieiuna
desideria! qui longè excellentior fuerat, quàm e-
ius virtutes æstimare, aut colere potuissemus, Prin-
ceps Serenissimus, ALEXANDER CAZIMIRVS, spes
maxima Patrię nostrę; & dotibus Regijs inclytus;
& Christianę Reipub. aliquando commodus; &
maximorum in Europa Principum prosapia & cõ-
sanguinitate clarus: vel solus ornamento totius Se-
ptentrionis esse debuerat, inopinatò properauit à
nobis, in quo Inuictissimus Rex noster VLADI-
SLAVS IV. maximum domus suę Regiæ decus
amisit, nos solatium, iuuentus nostra exemplum.
Rectè Callimachus *ex Ioue Reges esse*, ait. Rectè Ho-
merus, *Principes Deo genitos, vel à Deo nutritos*, dicit.
Vt enim non nascuntur boni, nisi cum Supremum
illud Numen voluerit, sic nec abeunt à nobis, nisi
vocati ab eodem: omnesq; illi, quorum ore For-
tuna pronunciat, quos beatos, quos felicitatis ex-
torres velit, non commorantur diutius in terris, nisi
quantum illis cõcessum est è cœlo. Appositè MAXI-
MILIANVS Imperator, à quo hîc noster Princeps ma-
ternum genus duxit, pro Symbolo Zodiacū gessit,
cõ inscriptione NONDVM IN AVGE, quod
Principes, veluti ille Solis circulus, agantur sursum,
& deorsum nutu solius Dei, & viuant hîc rebus præ-
clare gestis, illustres, aut rapiantur, licet non imple-
uerint annos, nec attigerint scopum officij sui. Nō
qui igitur in Regia domo nascuntur, populis re-
gnant, sed qui destinati ab æterno! Principem e-
nim

5
nim omnem ipse constituit Deus, qui erga genus
humanum vice sua fungitur: Optimum, si nos bo-
ni: malum, si pessimi: & vtrumq; diuturnum, pro
ut iussis cælestibus obedimus, aut contradicimus
impij. Cum autem nunc optimum Principem,
ab inuida morte enecatū esse in adolescentia cer-
nimus, circulo Zodiaci eleuatū sursum, putare
debemus, quamuis non fuerit in auge; piaculisq;
nostris adscribere tantam patrię nostrę iacturam,
tantū Principum nostrorum dolorem. Interim
verò naturam accusabimus, quòd tantum Heroem
produxerit mortalem, qui veluti Astianax auicula
(quę ibidem, inquiunt naturales Philolophi, mori-
tur, vbi & oritur) meritò dicere de seipso posset:
VBI SVM, IBI NON SVM. In Polonia sum natus, in
illa amplius iam non ero. nuper sicut flos pulcher-
rimus in hortis Septētrionalibus resplendui, & ecce
subito exarui: appositus fui manipulo domus meę
Regię, & iā ē medio Serenissimorum Fratrum me-
orum, velut arista granis plena à messore, extra-
ctus sum à morte: adligatus eram fasciā Austriacā,
totius Europę Principibus per consanguinitatem,
& iam solutus est nodus tam inclyti amoris: aptus
natus fui coronis Scandinavię Magne portandis,
nunc me Suecia iam non videbit, Gottia non expo-
scet, Vandalia æternū obliuiscetur: Orientem
prospiciebā, & vel ipso nomine meo incitante Asiā
meditabar & Indos, & ecce meridiem vitę non
attingens, iam occidi, & velut Imeronios, quę
vna tantū die viuit, manē ortus, vespere mortuus
sum.

sum. Verum enim verò, Equites Nobilissimi, licet prædicta auicula, vnica tantum die viuat, & non numeret annos, vt ciconia, vel ætates, vt coruus, nihilominus de illa Nature scrutatores scribunt, quòd interim, dum illud breue spatium viuit, diuersarum auium nidos peruolat, & quamcunq; inuenerit, & cantantem audiuerit, vocem illius repræsentat: ac proinde supra illam Hieroglyphicon inscribunt. NON DIU, SED SATIS. Ita æuiternus Princeps noster, quamuis vnicam tantum ætatem iuuenilem peregerit, vixq; ad adolescentiam peruenerit, multum attamen sibi, eo tempore vitæ exiguo, Regijs virtutibus, famę & immortalitatis cōparauit, quibus in affectum & adspectū sui, dum aulas diuersorum Principum inuiseret, & æmularetur mores, rapuerat Orbem Christianum! Licetq; purpuram non induerit, sceptrum non attigerit, & diadema non habuerit, ipsa attamen indole regia sufficienter demonstrauit, qualis quantusque futurus aliquando esset, si imperij habenas expectasset, bellisue præesset. Vnde meritò sibi Emblema illud usurpare potest. *Non diu, sed satis.* quia non erat Nestor, sed Alexander; & quidem diligentissimus Magni illius Macedonis mirator, qui dicebat, *vixi satis*, quamuis præmaturè moreretur, *quia non numero annos, sed triumphos: metior me non ætate, sed perennitate.* Quapropter non abs re illi Philippus pater olim dixerat. *Aliud tibi fili quære Regnum, Macedonia te non capit.* Sed & noster iam Inuictissimus REX, pacem cum Ottomanis tractans,

Etans, rectè dicere poterat, cum cum Leopoli iu-
uentutem Polonicam ludo militari exercentem vi-
deret, *frater, Alexander es, Asiam tibi quære, Sarma-
tia te non capit.* Excitabant siquidem cum assidue
ad gloriam Diui Parentis toto orbe celeberrimæ vi-
ctoriæ, recentesque Inuictissimi Regis VLADISLAI
de Moschis triumpho, velut olim trophæa Miltia-
dis, celeberrimū illum apud Græcos scriptores Du-
cem Themistoclem. Et Romani sanè iuuentutem
suam exercebant in campo Martio, vbi statuæ ma-
gnorum Virorum fuerant locatæ, & res gestæ scul-
ptæ, vt incitarentur maiorum suorum exemplis,
Princeps verò noster, non Historicorum adornatis
narrationibus, non picturis veteribus aut sculptu-
ris, Heroum vultus, resque gestas exprimentibus, cō-
mouebatur ad famam: sed præsentibus victorijs Po-
lonorum, sed viuis exemplis cognatorum Principū,
sed rebus gestis domesticis. Mirabatur nouus
Agamemnon senem Menelaum, Diuum Genitorē
suum, nouus Ascanius senem Æneam, natu maio-
rem fratrem; ita, vt si diutius eum superi viuere vo-
luissent, non tam applaudentium votis, quam con-
fessione veteranorum, superiorum temporum pri-
scis Heroibus compararetur. Sed Fata eum fru-
ctum nobis inuiderunt, & natum annos XXI. cum
maximo damno & dolore nostro, humanis exeme-
runt, & ex his turbinibus in sedes meliores transtu-
lerunt. Mors crudelis in officio suo peragendo
valdè dissimilis exstitit Pomicarpio Atheniensium.
Illi siquidem priscis ætatibus dum florerent, cum

omnium florum colligendorum statuta tempora fructum ué haberent, tum speciale quoddam festum, Pomilegium vocatum, autumno adulto celebrabant, quo tempore poma ex arboribus colligebant, comedebant. At illa præceps, non expectato autumno, aut canitie capillorum, Pomicarpium facit, quouis tempore, quauis ætate: infantes, adultos: iuuenes, senes: viros, decrepitos; carpit, rapit, præcidit. Hæc optimum Principem nostrum nondum adultum ætate, nondum grauem annis, nondum maturum rebus gestis, aut illustrem victorijs, veluti subrubens pomum cruda manu decerpfit. Cuius dum exuias, Equites, aspicitis, noui temporis, nouum pomum vobis productum videtis. Pomum inquam, quod iam non in arbore lagellonica virescit, sed in urna ferali repositum putrescit: quod non in manu lunonis (efflorescentis glorię) conspicitur, sed quod iam frigido marmore contegitur: quod ultimo quidem autumno, quoad anni cursum, decerptum est, sed primo vere quoad ætatis florem. Quapropter exclamare in eam meritò possumus, prout exclamauerat ille Athis, Cræsi Lidię Regis filius natura mutus, in militem, dum patrem eius interficere vellet. *Hem miles quid agis, Rex est quem feris?* Sic & nos. *Hem mors quid agis, Alexander est quem feris:* Sed frustra. iam percussit, iam occidit Principem inclytum. Itaq; tu VLADISLAE Rex Inuictissime, perdidisti animę tuę dimidium, vitæ subsidium, annorum oblectamentum, laborum ad-

rum adiumentum, fortunæ vtriusq; solatium, & florem domus Tuæ Regiæ pulcherrimum. Sed vt Dario Persarum olim Regi, Democritus Philosophus suscitaturum se Vxorem (cuius ille obitum in temperatè deplorabat) promiserat, si sibi tres suo in regno homines monstrasset, qui nusquam cōsanguineos suos deplorassent, cumq; repperiri tales non possent, *vides, (inquit,) ô Rex, quam ineuitabilis sit omnibus Fati necessitas: nefas est deflere, quod nefas est deuitare:* Sic & tu REX Inuictissime, legem mortalitatis omnibus æquè impositam cernens, define lugere ac lamentari obitum Fratris Tui, quē ille Fatorū decretis nullatenus poterat euitare. Lachrymas itaq; Tuas Regias moderetur ipsa animi Tui generositas, quā iam pridē variam naturæ mobilitatem præuidisti, casus insperatos contempsisti, insultus aduersæ fortunæ grauissimos risisti. Nos autem gratulari huic nostro æuo possumus, felicesq; nos prædicare, quòd in maximo Orbis Arctoi Solio, ijsdem virtutibus sedentem te Vladislaum filium videamus, quibus & Patrem Sigismundum vidimus, quamuis parem stirpi suæ ALEXANDRUM amiserimus? Cuius Heroicos spiritus, animumq; tanto Principe dignum, nullius facundia dignè exprimere valet. Pierius refert Equites Nobilissimi in Capitolio Romano fuisse statuam Herculis pelle leonina tectam, quæ altera manu clauam, altera tria ænea poma tenebat; quorum vnum quodque litteram. S. inscriptam gerebat: in Principe, qualis fuerat Hercules, denotans necessario debere esse

D

re esse, Sagacitatem, Sapientiam, & strenuitatem: sicut & in pomis, quę comestibilia sunt, requiri ad commendationem, vt sint Speciosa, Sapida, & Sana. Totum id Principi nostro adludebat, inq; iuuenili eius ætate perfectiùs fortasse quàm quis maturo in viro ex optasset, elucebat. Nam & proceritate Regia formosus fuerat: & Sapientiâ Heroum præditus: & Suada dulci omnibus iucundus. Quibus sanè dotibus regijs, natura eum præ alijs ornatum habere voluerat, eximijsq; tum corporis, tum animi facultatibus donauerat: ingenio acutissimo, celerrimo, ac capacissimo: memoriâ tenacissimâ: nobilissimarumque artium cognitione excellentissimâ: laboris tolerantia, viriû robore: militariumq; rerum peritiâ supra ætatem, ne dicam sortem humanam! Eam autem virtutum varietatem, ornabat, innata huic Regiæ Domui comitas, cum liberalitate & beneficentia coniuncta, tum affabilitas suavis, seu de rebus serijs diceret, seu familiares sermones haberet. Sed quid ego ago? quid lumen Soli infero? notissima hæc vobis, Equites Nobilissimi, qui regiam aduentus suauissimis eius congressibus & sermonibus fruebamini, qui nihil in eo acerbi, aut tetri, vidistis, sed apertissimam amœnitatem, & candorem quendam niueum persensistis. Præsertim cum è peregrinatione ad vos reuerteretur, & diuersis virtutibus, è conuersatione Principum, quos per viâ adiuerat & salutauerat, animum ad omnia capacem & fælicem, imbuisset: lustrassetq; Italiam humanita-

manitatis ac totius Vrbanitatis officinam, adijſſet.
Romam auguſtiſſimum olim Imperij nunc Religio-
nis Sanctiſſimæ domicilium: olim virtutum mo-
ralium, nunc Chriſtianarum Pandectas: Tum
Venetias quoque, Idæam Rerum publicarum, epi-
tomen nationum. Vnde rediens, diligentius ea,
quæ Principe ſunt digna, cogitare cœperat, pru-
dentiùs agere, ſeriòq; ea meditari, quæ non tan-
tùm illi, ſed & nobis tempus in omne prodeſſent.
Quod ſi verò Heroum vitam & fortunam conſide-
rare velimus, videbimus nihil eſſe omnino, quod
Principem iuuenem cuiſibet magis gratum acce-
ptumq; reddat, quam militaris & Martia virtus:
cui ſi vires adhuc, perſonę dignitas, & in exercitijs
affiduitas comites acceſſerint, tum quaſi è cœlo
deſiſſum omnes boni, impenſiſſimis ſtudijs co-
limus, & veneramur: obque tantarum virtutum
conſociationem, eximiam ſpem concipimus, il-
lum patriæ præſidium & ornamentum, hoſtibus
verò excidium allaturum. Illa enim generoſitas
regia, amorē militum imprimis conciliat, atq; au-
ctoritatem: robur virium, admirationem in plebe
parit: proceritas verò corporis cum venuſtate ma-
ſcula coniuncta, dignum efficit imperio. Trias
iſta, ſi quem mortalium vnquam, Equites Nobiliſ-
ſimi, Principem certè ALEXANDRVM beauerat;
vtpote quem generoſus Martis ſpiritus naſcentem
afflauerit, aſſiduum in rebus militaribus exercitiū,
vires innatas mirè roborauerit, regiam corporis
proceritatem, ſupra reliquos Principes natura de-
derit,

derit, vtin eius amorem omnes ciues, omnes popu-
lorum Christianorum Principes conspirarint.
Sed ô dolor, non pepercit tantis bonis crudelis
mors, ne cum nobis inopinatò raperet, quæ cun-
cta præsertim celeri virtutis maturitate consumma-
ta rapit violenter. Quicquid enim ad summum
peruenit, ad exitum properat: virtus autem per-
fecta eripit se potius, & aufert ex oculis hominum,
quàm extinguitur. Vltimum tempus non expe-
ctant, quæ in primo maturuerunt. Hinc multos
videas iuuenum, super senes intendere moribus,
antiquorum tempora meritis præuenire, & quod
ætati deest virtutibus compensare. Quod & in
Principe nostro facile obseruare fuit, quem nun-
quam ocio deditum, nunquam quicquam indecorè
agentem vidimus, sed vel mœchanicis, quæ ad mi-
litiam spectant artibus, sese domi exercentē, vel ve-
natione, quæ etiam pars militiæ est, in campis atq;
syluis occupantem, vel quæ ad regimen Reipub.
spectant, diligenter legentem, vel deniq; pedita-
tum suum equitatumuē, in pugnæ speciem instru-
entem & committentem: veluti quæ alterum Pau-
saniam armis diuersis in ludo & arena militari v-
tentem: arcu, sagittis, pharetra, acinace, sclopo,
bombarda quæ maiore. Quemadmodum itaque
Carolus Medices egregio cuidam aulico suo ap-
positè eiusmodi Epitaphium scripserat. *Pomum*
immaturum mundo, maturum cælo: Ita nos de Princi-
pe nostro meritò dicere possumus, immaturum
cum obisse ætate, at maturimum ijs fuisse virtuti-
bus

bus, quibus sibi immortalitatem comparauit. Ergo
alijs magni & amicti cedant tituli, quibus iners,
nec pro famâ mense est, ALEXANDER noster, sine
titulis Regnorum magnus, sine victorijs & trium-
phis immortalis est, præsertim cū sit pius. Qui cer-
tus ex doctrina Christiana, mortem sibi non finem,
sed transitum esse ad gloriam cælestem, cum sibi
horam instare videret extremam, vocatis de more
sacrorum Mystis, Diuinis sc Sacramentis præpara-
uit ad vltimum illum & magnum diem: & seposita
spe ac cupiditate vitæ, absque vllâ perturbatione a-
nimi, accessum eius excepit. Iam autem *maximum*
argumentum est, inquit Seneca, *animi ab altiore ve-*
nientis sede, si hæc in quibm versatur, humilia iudicat &
angusta, si exire non metuit. Exiuit itaque die XIX.
Nouemb. sine omni trepidatione, & expuncta hac
morte, ad immortalitatem peruenit, vbi Diuo Patri
suo Sigismundo, virtutibus victorijsque æterno as-
sociatus, fruitur inter beatos felicitate illâ, quam
sibi viuens hîc meruit. Nos fertis monumentum
eius coronemus, sepositisq; lachrymis flores spar-
gamus, vt inter odorum suauitates frigida illa Prin-
cipis ossa æternum cubare possint: Et si quid tan-
tis eius dotibus reponere, & in omnem æterni-
tatem duraturis virtutibus rependere velimus,
sempiternę fælicitatis quietem, gaudium,
salutem, totis votis, intimisque animi
desiderijs apprecemur.

D I X I.

EPITAPHIUM. HOSPES

NE MIRERE HANC MOLIS SUBSTRUCTIONEM,

MAVSOLÆVM IAGELLONICVM EST.

IN QVO DIVVM ILLVD GENVS,

SARMATICI IMPERII HABENAS

TERTIVM IAM SÆCVLVM GVBERNANS

QVIESCIT.

HVC QVOQVE, PROCH DOLOR! NVPER ILLATVS EST

(Anno. 1634. die 19. Nouemb.)

FLORIDISSIMVS SVÆ STIRPIS RAMVS,

GENTISQ; NOSTRÆ DECVS, SPES, ATQ. ORNAMENTŪ SINGVLARE

ALEXANDER

POLONIÆ, & SVECIÆ PRINCEPS.

MAGNI REGIS SIGISMVNDI III. F.

MAGNI VLADISLAI IV. NATV MINIMVS FR.

MARTII SPIRITVS IUVENIS.

ET NĪ FATA INVIDISSENT,

NON ASIAM MODÒ, VT ILLE MACEDO, REGERE NATVS

SED QVIDQVID IN ORBE NATVM.

Aliud

ALIVD.

VIATOR

NE TRANSEAS ROGO SARCOPHAGVM
INSALVTATIS MANIBVS OPTIMI PRINCIPIS.

IACET ENIM HIC

GRANDIS AQVILÆ SEPTENTRIONALIS PVLLVS,
SIGISMVNDI III. MINIMVS NATV F.

ALEXANDER

POLONIÆ & SVECIÆ PRINCEPS.

IN QVO,

CANESCENTIBVS NATVRÆ ANNIS

TANTVM VIRTVTIS DECVS AFFVLST,

VT SINE TITVLIS REGNORVM MAGNVS APPELLARI DIGNVS SIT.

IS DVM ASIAM MEDITATVR, & NOBILE MARTIS ITER

INGREDI PARAT,

ODVRAM PÆCIPITIS FATI NECESSITATEM!

IN IPSO ÆTATIS FLORE RAPITVR.

ET OMNIVM NOSTRV M VOTIS FRVSTRATIS

AD ORIGINEM SVI REVERTITVR

ABIECTA MORTALITATIS SARCINA

Anno 1634. die 19. Nouemb.

S.S.P.

IN LACHRYMAS

NOBILIS AC GENEROSI
D. SIMONIS STAROVOLSCI.

M. IOANNIS CYKERSKI RACH-
tamouy, Coll: Min: Ord: Eloquent: Profes^r.

ELEGIA.

Et meritò flemus, meritò crudelia fraudis
Damnamus miseri, Fata, trucesque Deas
Docte STAROVOLSCI, dum magni Principis umbram
Prosequeris lachrymis commemorabilibus,
Docte Starouolsci, quid enim nisi flebile restat
Irate tantis mortis in insidiis?
Quid nisi flere iuuat? longos promamus ab imo
Pectore singultus: quid nisi flere iuuat?
Tristibus heu numeris ambo iungamus edaces
Luctus, & stupidà murmur inane lyrà.
Accentus duros, & lamentabile carmen,
Demus, et ambiguè, verba vlulata, sonis.
Occidit ille cui tam blandum risit Apollo,
Quem fouit facili culta Minerva sinu:
Occidit ante diem, florenti in flore iuuentæ
Flos Iuuenum præstans, Lechiadumq; decus.
Occidit ante diem, pulcherrima gloria Martis,
Bellonæq; ingens gloria Sarmaticæ.
Noster ALEXANDER Princeps non integer æui,
Integer at meritis, occidit ante diem.

Et me-

Et meritò flemus, meritò crudelia fraudis
Damnamus miseri, Fata, trucesque Deas.

Si quis dignus erat Tithonis viuere secla

Ille erat: ab fati vis truculenta nimis!

A teneris magnas ad praelia magna parabat

Artes, quas usu torserat eximio.

Corporis & vires validum formabat ad usum,

Præsto ut sint celeris mentis ad obsequium:

Et nunc algorem, nunc & perferre calorem

Sint dociles, labor et quicquid honestus amat.

Ille ludus erat rigidam truisse palastram,

Et noctem insomnes mittere in excubias.

Ludus erat pernicis equi conuoluerè gyros,

Ludus erat cursum frangere præcipitem:

Ludus erat superare nives, & frigora, anhelò

Pectore: non requiem turbida habebat hyems.

Ludus erat ceruos venari, Ursosque feroces,

Quæ pars militiæ non minor esse solet.

Ludus erat geminato tendere spicula cornu,

Ludus erat, facere & fortia quæq; pati.

Ludus erat iustas gemino in certamine pugnas

Fingere, magnanimos sicque notare viros:

Et laudare pares factis, accendere victos,

His animos, illis præmia certa dare.

Et meritò flemus, meritò crudelia fraudis

Damnamus miseri, Fata, trucesque Deas.

Ille sciebat enim studijs prius agmina duris

Exercere domi, quàm fera bella fremant:

Castra loco, ut tempestiuè ponenda salubri,

Quæ caput ad primum fluminis unda premat.

Quæ campis acies, fraudi quæ accomoda vallis,

Quæ via difficilis, quo & superanda modo,

Ut præbenda vigil tuto custodia vallo,
Ne secura quies damna pudenda ferit,
Sitque ubi densari cuneos, ubi cornua tendi
Æquius, & celeri frangier arte Getas.
Seu sit opus pansas Aquilam pro tendere in alas,
Seu sit opus Lunam cornua acuta dare:
Seu sit opus quadratum acies ut currat in agmen,
Sed sit opus pressam cingat ut orbe viam.
Hostes quæ mora perfringat, quid rebus in artibus
Dux gerat, hoc Princeps omne tenebat opus.
Ab quem nulla unquam docuit Fortuna timere
Sarmatiæ medio concidit in gremio,
Concidit in gremio Patriæ, aspectuque Senatus
Inq; oculis Fratrum concidit exanimis.
Et meritò flemus, meritò crudelia, fraudis
Damnamus miseri, Fata, trucesque Deas,
Heu cui non iusto tabescant lumina fletu
Quis falsis oculos temperet à lachrymis?
Qui vitam illius meminit, sensusq; Viriles,
Promptaque solertis munera iudicij;
Quæque senum decorare solet prudentia mentes,
Illius tenero fulsit in ingenio.
Ardua virtutis coluit sic symbola castæ,
Nollet ut ignavas carpere delitias,
Inque voluptatum misero se mergere cæno,
Quà rapidus vortex pectora lenta vorat;
Et Cytherea suos quæ passim fulminat ignes,
Hic ignes doluit non habuisse locum.
Ocia magnorum hinc irritamenta malorum,
Consilijs prudens tempserat ingenuis.
Dicite vos valles quibus Urbs Varsavia gaudet
Et nemora, & Sylvæ, & Vandale turgide, aquis,

Regia,

12

Regia dic sedes, semper domus inclyta Regum,
 Unde coronati Sceptra gerunt Domini,
 Antorpens unquam dulci requieuit in umbra
 Curarum vacuus, militiâq; liber?
 Hei mihi quem nullus vitij pessundet error
 Vile genus mortis reddidit exanimem.
 Et meritò flemus, meritò crudelia, fraudis
 Damnamus miseri, Fata, trucesq; Deas.
 Nondum vdo maestis lachrymas absterimus ore
 Funera funeribus dum geminata iacent,
 Funera quæ ad luctum tygres cautesque mouerent,
 Cantibus & si quid durius esse potest!
 Funera vix Regis defleuimus aspera magni
 Funera quæis Regum est despoliata Domus,
 Fortis Alexander Princeps cadit, heu cadit ingens
 Prò dolor! heu Martis spiritus ille cadit!
 Ah properata nimis crudelis funera fati
 Staminaque ab luctu non reparanda pio.
 Ipsa etiam viduis plangens sub montibus Echo
 Confuso gemitu iactat ad astra sonos.
 Flos iuuenum quæ te nostri feralibus æui
 Insensum vitis oclior aura rapit?
 Non expectata hinc hyemis statione recedis
 Vere nouo vitæ prætereunte tuæ?
 Hoc pietas hoc sancta Fides, puræq; meretur,
 Mentis amor, fato ut sic properante cadas?
 An quod sis cœlo à nobis illatus aperto?
 Plenior ut superum sit spatiosa domus?
 Despicis an longè terrarum maxima regna?
 Quæ meruisse magis quam tenuisse iuuat:
 Nec minus & dulces gaudes spectare parentes
 Illis & puro lumine corradias

An quia

*An quia cognatum repetit sua pignora cælum
Spiritus ut redeat lucidus unde venit
Quicquid id est patriis Te protinus eripis oris.
Et moriens tecum gaudia mille rapis
Hæc Echo: tepidis responsant fletibus amnes
Quos non exiguos terra Polona bibit.
Quin etiam lachrymis nimium exitialibus auctus
Rex fluviorum iam Vandalus intumuit!
Tangit amor, tangit pietas elementa! quis ergo
Non ploret lachrymis consociabilibus?
Et meritò flemus, meritò crudelia fraudis
Damnamus miseri, Fata trucesque Deas.
Docte STAROUOLSCI dum magni Principis umbram,
Persequeris lachrymis commemorabilibus.*





